

中國方志叢書·華北地方·第五六四號

據

清·陳士楨修，涂鴻儀編輯
清道光十三年刊本

影印

甘肅省

蘭州府志

(三)

成文出版社有限公司印行

中華民國六十五年

月臺一版

蘭州府志

全三冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

蘭州府志卷十

人物志下

孝友

行誼

文學

武畧

流

列女

孝友

宋程俊會州人紹興初居栗亭之泥陽鎮俊幼時父母陷靈夏常號泣自毀迨長捐家財數十萬以贖未至日北向號泣寢食爲廢夏人感動乃還其母邵氏俊日夕承順奉養周備事族兄恭謹友愛諸弟瞻母黨百餘口服食器用必與已同鄉里稱至孝

探明一統志及

甘肅通志

明段鳴鶴蘭州人性至孝父疾籲天祈以身代刲臂肉燔爲灰和藥以進疾尋愈孫卽南陽知府堅也採通

志

石恒

按縣志恒作亨

蘭州人由貢生官真定府經歷正統間

喪父廬墓母失明恒籲天舐之而愈

趙奈臨洮衛人會川伯安之孫府學生父疾晝夜祈

禱願以身代及父沒哀毀而卒又有曹邦彥者知縣

俊之孫亦府學生父沒亦以毀卒

俱全上

雍蘭狄道人府學生母患瘡蘭吮之及卒蘭廬墓三

年又有舉人蕭韶民張全石貞乾皆親沒廬墓三年
全有雙兔馴擾之異貞乾辭旌不受云

採通志及狄道州志

楊豸狄道人父桂戍貴州豸從之戍所竭力奉養桂
沒扶櫬歸母病篤豸侍湯藥衣不解帶及卒號泣幾
絕

全上

唐泉字本清蘭州人母蕭氏病篤泉割股和藥飲之
而愈與弟海友愛最篤海卒泉每食必哭不一載亦
得疾卒泉嘗赴京有同衛汪某歿於逆旅負其骨歸

葬之

採通志

陳泰字汝安弟和字汝諧蘭州人兄弟友愛天順間泰被選從征和念泰年長乏嗣請於總戎願代往中流矢官司給輿以歸病十餘年鏃始潰出及卒毫無怨悔遺二子簡策泰撫之不啻已出泰後生子範舉人官陝州知州

周海字克容蘭州衛世襲千戶嘗師事段堅篤學好禮以古人自期居官清慎戎務修飭尤至孝母病亟籲天祈以身代妻張氏割股肉和藥以進疾遂愈人以海之孝能刑於其妻爲尤不可及云

殷富字若無蘭州人舉成化十三年鄉試第實舉
化十六年鄉試實居父喪三年不入私室繼居母喪
寢苫枕塊中寒疾而卒富就教職得樂平縣訓導以
資兩第安寧於學安後亦領鄉薦寧卒遺子承嗣富
撫之如已出富子卽刑部主事承叙也

蕭憲字孟章蘭州人性至孝舉成化十三年鄉試以
親老不赴會試後授中牟知縣未仕而卒

王麟字廷瑞蘭州人事繼母以孝聞成化間父用以
事繫獄遭疾幾危麟禱天願以身代用疾尋愈獄定

謫戍廣西麟復請代行踰二年中瘴癘卒於戍所僕負骨歸墓士林稱之

李銳字徐之蘭州人貢生授四川簡縣訓導好學甘貧不苟取事繼母盡孝撫諸弟及弟之孤甚厚性行純篤有古人風

蔣漢蘭州人性至孝家雖貧凡力所能及者必以奉親歲時新味親未嘗不先入口或他適必先具親所食酒肉而後往鄉里稱之

王純字原誠尚書竝仲子以父廕入監肄業聞母病

乞歸侍疾籲天祈以身代未一月須髮盡白母卒三日不食哀毀盡禮事聞旌表 俱全上

趙昇靖虜衛人少孤事母至孝長襲本衛百戶屢立戰功進指揮僉事宏治十年與敵戰奮勇當先身中

三刃母聞驚病而歿昇至家哀痛踰旬亦卒 採靖遠衛志

段增字志崇堅孫 按段氏世系增乃堅之兄孫性耿介刻志問學

親喪三年不與燕會居家絲粟不入私室從妹適舉

人孫芳孀居子女皆育於增家撫愛周至增子卽御

史續也 採通志

任重蘭州人宏治初庠生母卒廬墓三年有盜犯廬欲劫其衣糧重不避盜感其孝舍之去

全上

雍大武字政和狄道人正德間貢生父病剔臂肉炙以進每歲廩穀所餘恣諸弟取之後官肅州衛教授

子卽御史焯也

採狄道志

金鐸字文振蘭州人少孤好學撫育諸弟成立務農商之業家道日裕年七十餘終不析產幼弟蚤亡遺

子瑞撫之如已子

採臯蘭志

高文靖虜衛人庠生父俊歿於陣家貧竭力奉母承

顏順志友愛諸弟爲擇配置產嘉靖七年赴中衛糴糧忽心動卽馳歸母果病時弟武往河南經歲亦適歸三日母卒人咸稱至孝所感屢舉鄉飲賓堅辭不出

採靖遠衛志

楊均誠字元貞蘭州人庠生從周蕙遊知務正學父早卒事母盡孝有伯母亦孀居奉之如母撫姊遺孤

營舅氏喪篤於恩義人所難及

採臯蘭志
均名下脫誠字

李尙賓靖虜衛人增生孩提喪父事母至孝萬歷十年母卒尙賓悲痛七日不食亦死少卿邢玠贈銀爲

喪資且旌其廬

採靖遠志

李敦渭源人父早喪事母盡孝母歿廬於墓側朝夕

哭奠萬歷二十八年直指表其門

採通志

羅應詒狄道人府學生事父孝飲食起居必親執役

父年八十有五卒應詒哀毀骨立既葬廬墓三年哀

慕如一日

劉雄字士俊蘭州人力農養親繼母韓始遇之少恩

時被譴責雄愈敬謹韓亦感而慈焉既長父命與兄

異爰力請不獲乃以田園讓兄而自取敝廬墓舅氏

喪焚負者券鄉人重之

陳鑑字克昭蘭州人以孝聞母歿哀毀盡禮不食
室者三年業師孟某臨歿子幼寄金帛於鑑及某子
長還之封識宛然人服其義

李守文蘭州人幼有至性母李氏蚤孀多病守文躬
侍湯藥夜必數起視寒溫家貧竭力以供甘旨奉母
五十餘年如一日內外以孝子稱之

駱興周蘭州人幼喪父母郭氏孀居四十餘年興周
竭力奉養微聞母愁戚聲卽至母側慰藉恒竟夕不

寡友愛姊妹四人恩義篤至肅藩旌之

廖恕狄道人性至孝家貧塋母自負土築墳廬墓三年

張漢俊字今房臨洮衛人三歲喪父祖母及其母俱
孀姑婦相守撫之成立稍長卽知慕思其父事祖母
及母若成人肆力經史後舉天啟七年鄉試與兄漢
僕同居友愛戚黨貧者代爲婚嫁義望重於一時

袁應舉臨洮衛人幼讀孝經小學卽知嚮往事親色
養父母亡旣合塋廬墓三年朝夕悲號未嘗還家日

手一坯及三年遂成六家

李一桂臨洮衛人增生父杜材天啟中官靖邊學正
卒一桂奔喪扶櫬歸中途遇盜罄其資時隆冬雨雪
一桂鬻身衣僱人同舁柩行衣盡乃伏柩號泣仆地
值榆林巡撫路遇見之詢得其故給以夫馬路費巡
按以下咸周助之始得歸 俱全上

柴惠字以仁蘭州人早喪母事繼母衛氏閭氏以孝
聞人有勸與弟析產者正色拒之弟天復撫其子成
立 採臯蘭縣志

李東字子震蘭州人蚤孤母王氏守節撫之東長孝
養不怠母有解顱疾苦難療東禱乩得奇方而愈人
以爲孝感所致少聰穎十三爲諸生後以貢授訓導

卒年八十八

全上

吳瑛靖虜衛人世襲本衛指揮少孤事母馬氏至孝
所得俸資悉以奉母與諸弟其之母疾醫曰人肉可

療瑛割肉投粥中母卽愈後官至遼東總兵

採通志

路柯靖虜衛人挺身禦寇殺匿兄嫂及兄子而已爲

賊殺甚慘

採靖遠備志

國朝喬漢儒渭源人諸生早孤漢偏躬耕養母侯氏極其孝敬母歿膝行負土成塚廬墓三載

採通志

吳成德河州人初喪父哀毀骨立葬之日卽廬墓母強之歸踰歲始還及母歿遂廬墓三年不御酒肉人

以爲難

朱祚長字敬符金縣人諸生三歲喪父祖父母撫之成立祖國弼官河內縣丞卒於任祚長聞訃痛哭死復甦及土寇破城欲殺其祖母祚長挺身請代賊感其孝俱釋之順治十四年巡按上其事奉